



## "ماري فهمي زكاة فطرة"

الْحَمْدُ لِلَّهِ الْقَائِلِ: إِنَّ الَّذِينَ ءَامَنُوا وَعَمِلُوا  
الصَّالِحَاتِ وَأَقَامُوا الصَّلَاةَ وَءَاتُوا الزَّكَاةَ لَهُمْ  
أَجْرُهُمْ عِنْدَ رَبِّهِمْ وَلَا خَوْفٌ عَلَيْهِمْ وَلَا هُمْ  
يَحْزَنُونَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ  
وَأَصْحَابِهِ أَجْمَعِينَ.



أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ  
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:  
يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا  
وَأَنْتُمْ مُسْلِمُونَ.

سیدغ جمعة یغ درحمی اللہ،

سای برقسن کقد دیری سای دان جوک  
سیدغ جماعه سکالین، اکر کیت سام ۲ براوسها  
منیغکتکن کایمانن دان کتقواءن کقد اللہ  
سبحانه وتعالی، دغن ممتوهی سکالا سوروهنن  
دان منیغکلکن سکالا لارغنن. سسوغکوهن  
اورغ ۲ یغ قالیغ مولیا دسیسی اللہ ایاله مریک یغ  
قالیغ تیغکی تقواش.



قد كسمقتن اين جوك، ماريله كيت برسام-  
سام مغوچقكن شكور كقد الله سبحانه  
وتعالى، لنترن ماسيه لاني دبريكن كسمقتن  
اونتوق تروس براد دالم بولن رمضان يغ موليا  
اين. بولن يغ قنوه دغن كبركتن، دجنجيكن  
كنجرن قهالا يغ بركندا دان برليمقه-ليمقه باكي  
ستياق عملن.

تاجوق خطبة قد هاري اين اداله "ماري  
فهمي زكاة فطرة".

سيدغ جمعة يغ درحمي الله،

زكاة فطرة امت ايرت كاءيتنن دغن بولن  
رمضان. منجلغ سهاج بولن قواسا اين، مك  
سموا اومت اسلام مراسا ترقغكيل اونتوق سكر  
منونايكن كواجيشن زكاة فطرة. نامون بكيتو،



فهمكه كيت تنتغ عبادة يث دناماكن سباكاي  
زكاة فطرة اين؟.

زكاة فطرة اداله ساله ساتو درقد دوا جنيس  
زكاة، ياءيت زكاة هرتا دان زكاة فطرة اتاو  
دسبوت جوك سباكاي زكاة بادن. اي  
دفرضوكن اوليه الله سبحانه وتعالى قد تاهون  
كدوا هجرة.

دري سكي كواچيقتن، زكاة فطرة دكناكن  
كقد سموا اومت اسلام، سام اد مرديكا ماهوقون  
همب سهاي، بايي، انق ۲ كچيل ماهوقون  
ديواس، اورغ يث برعقل ماهوقون اورغ كيلا.

ابن عمر رضي الله عنه مبريتاهو بهاوا؛  
"رسول الله ﷺ ممرينتهكن اونتوق مغلواركن  
زكاة فطرة كقد انق كچيل، اورغ ديواس،



اورغ مردیکا دان همب سهاي درقد اورغ ۲ یغ  
دباوه تغکوغن سساورغ".

(روایة دارقطني)

سیدغ جمعة یغ درحمتي الله،

زکاة فطرة ممقوپاءي نصاب یغ برییدا دغن  
زکاة هرتا. دالم حال این، اسلام منتشکن بهاوا  
سساورغ یغ میلیکی ماکنن یغ چوکوف بانی  
دیرین اونتوق مالم هاری رای سهیغکاله  
کسیاغتن واجب ای مغلوارکن زکاة فطرة.

قدر زکاة فطرة قولاً دتتکن سبایق سکنتغ  
بغداد برداسرکن ماکنن اساسی سسبواه نکارا.  
دالم کونتیکس ملیسیا ای میامائی ۲۰۷  
کیلوکرم دان کتتغن نیلای قدر هرک برس



سبايق ايت قولاً اداله براوبه-اوبه دري ستاهون  
كستاهون بركنتوغ كقد هرك برس سماس.

سهوبوغن دغن ايت، جاوتنكواس فتوى  
نكري سلاڭور تله مومتوسكن هرك زكاة فطرة  
دنكري سلاڭور يغ مپامائي هرك برس سماس  
اياله RM7.00 ياءيت قدر هرك برس كريد  
سدرهان. اداله دغن فنتن اين دهارف اومت  
إسلام دنكري سلاڭور ممقو منوناينك زكاة  
فطرة قد ماس يغ دتتكن.

سيدغ جمعة يغ درحمي الله،

بيلاكه وقتون باكي كيت منوناينك زكاة  
فطرة ايت؟ اد سستغه اورغ سوک منوغكو  
ساعت ۲ تراخير، يعني سبلوم منديريكن صلاة  
سنة عيدالفطر اونتوق مغلواركنش دغن السن



ايتوله وقتو ڀيغ ڦالڀغ اوتام. سسوغڻگوهن، دالم  
ڪتاب الفقه المنهجي، جيليد ڦرتام تله  
مبحثڪن سچارا ترڦرينچي معنائِي وقتو  
مغلوار ڪن زڪاة فطرة اين سڦرتي برايڪوت؛  
"سسياڦا ڀيغ مغلوار ڪن زڪاة فطرة برمولا  
دري ۱ رمضان، حڪومن اداله صح دان هاروس.  
جڪ اي مغلوار ڪنڻ ڦد ماس سلقس تڻڪلم  
ماتاهاري ڦد اخير رمضان سهيڻگاله سبلوم  
صلاة راي، مڪ ڪتيڪ ايت اداله وقتو ڀيغ  
افضل. اداڦون اورڻ ڀيغ مغلوار ڪنڻ سلقس  
صلاة عيدالفطر، مڪ حڪومن اداله مڪروه،  
تتافي سسياڦا ڀيغ ملبتڪنڻ سهيڻگ تربيتم  
ماتاهاري ۱ شوال، مڪ دي اداله بردوسا؛  
نامون اي تتڦ واجب مغلوار ڪنڻ دان ڪتيڪ  
ايت اي داڻگڦ سباڪاي قضاء.



سو غكو هقون وقتو يغ ترباء يق اياه سبلوم  
صلاة عيد الفطر، نامون جاغنه كيت منو غكو  
سهيغك كساعت ايت. تونا يكنه قد اول  
رمضان لائي، كران اي اكن ليه ممو دهكن  
اوروسن دان داقت مغيلقن ريسيكو ترمبت  
اتاو ترلوقا منونا يكنش. قستيكن جوك كيت  
مپر هكن زكاة فطرة هاش كقد عامل برتولياه يغ  
دكلوار كن اوليه مجلس اكلام اسلام سلاخور.

سيد غ جمعة يغ درحمي الله،

حكمه زكاة فطرة امت بايق. انتاراش اداله؛

1. داقت منجامين ككمبيراءن سموا اومت  
إسلام.



اينيله يغ دسبوت دالم حديث درقد  
ابو هريرة رضي الله عنه بهاوا رسول الله  
p برسبدا؛

لِلصَّائِمِ فَرْحَتَانِ : فَرْحَةٌ عِنْدَ فِطْرِهِ  
وَفَرْحَةٌ عِنْدَ لِقَاءِ رَبِّهِ.

"باكي اورغ يغ برقواسا اي اكن  
مندافت دوا ككمبيراءن؛ قرتام كتيك  
اي بربوك اتاو برهاري راي دان كدواش  
كتيك برتمو الله سبحانه وتعالى".

(رواية امام مسلم)

2. زكاة فطرة جوك ممقو مغيكيس صفة  
طمع دان كدكوت دالم ديري ماءنسي.  
اكن ترسيغكقله تيراي كسومبوغن دان



دكنتي دغن راس رنده ديرى دان ساليغ  
بركوغسي رزقي كورنيائن الله سبحانه  
وتعالى اين. ساندائش ماهو بركوغسي  
RM7.00 قون سوده مراسا سوسه، مك  
باكايماں قولاً مريك ممقو ممبرى لبيه بايق  
دغن ممباير زكاة هرتا دان برصدقه؟

3. زكاة فطرة جوك ممقوق قراساءن كاسيه  
سايغ خصوصن دري كالغن فقير دان  
مسكين كقد اورغ ۲ كاي، سهيغك  
دغن ايت هيلغله راس حسد دغكي يغ  
ممقو مروسقكن قرهوبوغن يغ هرموني  
دالم كالغن اومت اسلام.

4. زكاة فطرة اين اداله سواتو چارا  
قمبرسيهن ديرى كقد اومت اسلام.



ابن عباس رضي الله عنه ممبىتاھو  
بھاوا ؛

"رسول الله p تله مواجبكن زكاة  
فطرة، اونتوق ممبرسيهكن اورغ يغ  
برقواسا درقد اوچقن يغ تياد منفعتن  
دان كات ۲ يغ كوتور، سرتا اونتوق  
ممبريكن ماكنن كقد اورغ ۲ مسكين".

(رواية ابو داود)

5. زكاة فطرة ممقو منظاهيركن كساتوان  
عقيدة دان كساتوان عمل يغ دكهندي  
اوليه الله سبحانه وتعالى، انتاراش ساليغ  
تولوغ-منولوغ دان مريغنكن بين.



فرمان الله سبحانه وتعالى دالم سورة  
المائدة اية ۲؛

... وَتَعَاوَنُوا عَلَى الْبِرِّ وَالتَّقْوَىٰ <sup>ص</sup> وَلَا تَعَاوَنُوا  
عَلَى الْإِثْمِ وَالْعُدْوَانِ <sup>ج</sup> ... ﴿٢﴾

"... هندقله كامو بنتو-مبنتو اونتوق  
مبوات كبا جيقتن دان برتقوى، جاغنه  
قوللا كامو بنتو-مبنتو قد ملاكوكن  
دوسا (معصية) دان فنچروبوهن  
(ملمقاوئي باتس ۲ اجرن الله) ...".

سيد غ جمعة يغ درحمتي الله،

سسوغكوهش، كداتغن رمضان المبارك اينيله  
ماساش باكي كيت اونتوق منونجوقكن بتاف  
تيغكيث حيمه كيت سباكاي ساورغ مسلم،



يعني ساورغ مؤمن يغ مپنتوني سسام ساودارات  
دغن قنوه كأخلاصن دان كقاتوهن كقد اكام.  
ماريله كيت منوناينكن زكاة فطرة اين دغن  
قنوه كأخلاصن دان كسدرن.

درقد سلمان الفاريسي رضي الله عنه بهاوا  
رسول الله ﷺ قرنه برسبدا يغ برمقصود؛

"سسياقا يغ مندمشيغكن ديرين كقد الله دالم  
بولن رمضان دغن سسواتو درقد قركارا  
كبايقن (سنة)، مك ساماله سقرتي دي  
مغرجاكن ساتو قرينته الله يغ دواجبكن  
(فرض) قد بولن ايت، دان سسياقا يغ  
منوناينكن ساتو قركارا يغ دواجبكن الله قد  
بولن ايت (سقرتي زكاة)، مك ساماله سقرتي



دي منونا يڪن ۷۰ ڦرڪارا يڻ دوا جيڪن الله ڦڏ  
بولن ۲ يڻ لاءِين".  
(رواية ابن خزيمة)

اينيله سواتو ڪنجرن ڦهالا يڻ امت بسر، يڻ  
دتاورڪن اوليه الله سبحانه وتعالى ڦڏ بولن  
رمضان اين. مڪ، تيدق ساله سبئرث باڪي سموا  
اومت اسلام اونتوق منجاديڪن رمضان  
سباڪاي بولن برزڪاة، يعني بوڪن سقدر زڪاة  
فطرة؛ تتاڻي جوڪ منونا يڪن زڪاة هر تا يڻ لاءِين  
سڦرتي زڪاة امس، ڦنداقتن، واغ سيمقنن،  
زڪاة ساهم، زڪاة ڦرنيآڪاءن، زڪاة ترنقن دان  
زڪاة ڦرتانين.

يقينله، زڪاة دان صدقه يڻ دهولورڪن ڪڦڏ  
فقير دان ميسڪين اين عبارة باج يڻ اڪن  
مپوبورڪن هر تا. فوغسپن سام سڦرتي باج دان



ءير يغ ميوبور كن سقوهون قوكوق. اخيرث  
قوكوق ايت ممبسر دغن ريندغ، باتغن تكوه  
مغوكوه اون، داهنش تكف مغلوار كن دءءونن  
دان اخيرث اكن مموتيق بواه-بواهن يغ كلق  
مرانوم بق مانيسن.

بوكنكه اين هبوان باكي اورغ يغ منانم دان  
سنتياس منجاك قوكوق يغ دتامنش. مك، اورغ  
يغ برزكاة دان برصدقه، قهالاث دجنجيكن الله  
سبحانه وتعالى بهكن دبريكن كبركتن هيدوق  
سجق دءس دنيا اين لائي.

أَعُوذُ بِاللَّهِ مِنَ الشَّيْطَانِ الرَّجِيمِ

وَمَثَلُ الَّذِينَ يُنْفِقُونَ أَمْوَالَهُمْ ابْتِغَاءَ مَرْضَاتِ

اللَّهِ وَتَثْبِيْتًا مِّنْ أَنْفُسِهِمْ كَمَثَلِ جَنَّةٍ بِرَبْوَةٍ أَصَابَهَا وَابِلٌ



فَعَاتَتْ أَكُلَهَا ضِعْفَيْنِ فَإِنْ لَمْ يُصِبْهَا وَابِلٌ فَطَلٌّ<sup>ق</sup>  
وَاللَّهُ بِمَا تَعْمَلُونَ بَصِيرٌ ﴿٢٦٥﴾

"دان ڦرو مقامان (نفقه درقد) اورغ يڻ  
مبلنجا کن هرتاڻ اونتوق منچاري كريضاءن الله  
دان اونتوق منکوهکن (کایمانن دان  
کأخلاصن) يڻ تيمبول درقد جيوا مريک، اداله  
سڦرتي سبواه کبون دداترن يڻ تيڻکني يڻ  
دتيما هوجن لبت، لالو مغلوارکن حاصيلش  
دوا کالي کندا. نامون، جک اي تيدق دتيما  
هوجن لبت ڦون، مک هوجن رپاي ۲ سوده  
مماڊائي. الله مها مليهت اکن اف يڻ کامو  
کرجاکن".

(البقرة: 265)



بَارَكَ اللهُ لِيْ وَلَكُمْ بِالْقُرْآنِ الْعَظِيمِ،  
وَنَفَعَنِيْ وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلَ مِنِّيْ وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيمَ لِيْ  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ  
الْمُتَّقُونَ.

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ  
يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ  
عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ ،  
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى أَنْ

تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصَّمَدَانِيَّةِ ، جَلَالَةَ مَلِكِنَا الْمُعَظَّمِ سُلْطَانَ

سَلَخُورِ ، سُلْطَانَ شَرَفِ الدِّينِ ادريس شاه الحاج

ابن المرحوم سُلْطَانَ صَلَاحِ الدِّينِ عبد العزيز شاه

الحاج .



اللَّهُمَّ أَدِمِ الْعُونَ وَالْهُدَايَةَ وَالتَّوْفِيقَ، وَالصِّحَّةَ  
وَالسَّلَامَةَ مِنْكَ، لِيَوْلِيِّ عَهْدِ سَلَاعُورِ، تَعَكُو أَمِيرِ  
شَاهِ ابْنِ السُّلْطَانِ شَرَفُ الدِّينِ ادریس شاه  
الْحَاجِ فِي أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا  
ذَالْجَلَالِ وَالْإِكْرَامِ. اللَّهُمَّ أَطِلْ عُمَرَهُمَا  
مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ  
مَقَاصِدَهُمَا لِطَرِيقِ الْهُدَى وَالرِّشَادِ.

يا الله، اغكاوله توهن يغ مها بر كواس، كامى  
بر شكور كحضرتو يغ مليمقهن رحمة دان  
نعمة، سهيغك كامى داقت منروسكن اوسها  
كاره مفر كوكوهكن نكارا اومت اسلام  
خصوصن نكري سلاخور، سباكاي نكري  
ايدامن، ماجو، سجهترا دان بر كباچيقن.



جوسٽرو ڪامي قوهون ڪحضرتو يا الله،  
تتفڪنله ايمان ڪامي، تيغتڪنله عمل ڪامي،  
ڪو ڪوهڪنله قرقادوان ڪامي، مورهڪنله رزقي  
ڪامي، تمبهڪن ڪامي دغن علمو دان ڪماهيرن،  
سوبورڪنله جيوا ڪامي دغن اخلاق موليا،  
ليندوغيله ڪامي درقد اوجينمو يڻ برت سقرتي  
ڪماراو قنجع، بنجير بسر، وابق قپاڪيت،  
قرسغڪيتاءن، ڪمسڪينن دان لاءين ۲، سوقايا  
هيدوف ڪامي اڪن سنٽياس برتمبه معمور دان  
برڪة.

يا الله، بوڪاڪنله هاتي ڪامي اونٽوق  
ملقساناڪن عبادة زڪاة سباڪايمان يڻ تله اشڪاو  
فرضوڪن. برڪتيله هيدوف اورغ يڻ ملقساناڪن  
تونٽوتن برزڪاة، مپايغي فقير مسڪين. سوچيڪنله



هرتا دان جيوا مريك، ليندوغييله كولوغن فقراء  
دان مساكين درقد ككفورن دان كفقيرن يغ  
برقنجغن.

دمكين جوا يا الله، تمبه دان لواسكنله رزقي  
اورغ يغ موقفكن هرتا دنكري اين، ليمقهكنله  
نعمة ايمان دان كصيحتن يغ برقنجغن كقد  
مريك، تريماله وقف مريك دغن كنجرن قهالا يغ  
بركلن هيغك كهاري اخيرة.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ  
وَاجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً  
وَفِي الآخِرَةِ حَسَنَةً وَقِنَا عَذَابَ النَّارِ.



عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ  
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ  
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ  
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.